

漢中

續



志

(一)

037874

嘉慶十九年鐫

漢中續修府志

本衙藏板

# 新修方志叢刊

陝漢中續修府志

清·嘉慶十九年刊本  
景印本精裝五冊

西北方志之二十一

編纂者：清·嚴如煜修·鄭炳然等纂

出版者：臺灣學生書局

代表人：劉國瑞

發行人：臺灣學生書局

台北市和平東路一段一五〇號  
郵政劃撥帳戶二四六六號  
電話：二一〇九七

定價新台幣一五〇〇元

中華民國五十七年一月景印初版  
內政部出版登記證內版臺業字第〇八八四號

版權所有·翻印必究

整理  
日期  
自六九年  
起  
書目  
其定

重修漢中府志序

淑浦嚴君樂園守漢中之四年輯

成以書寓余乞為之序余惟方域之有志  
所以備考覽資政治而供史氏之采擇也  
周官小史掌邦國之志外史掌四方之志  
職方掌天下之圖凡土訛誦訓之所道者  
此也當是時列國皆有史以達於天子自

漢書卷之五十一  
侯國改為郡縣而史惟王朝有之則方域  
之志愈重漢中府領二廳一州八縣界秦  
楚蜀之交山谷阻絕漢江深險南北棧道  
繚亘千里先是潢池不靖妖氛四起漢中  
實當其衝屢被鋒鏑賴我

國家聲威赫濯

天戈所指蕩滌剷除而終南窮巖邃壑豺虎窟

跡尚虞伏莽時君方官郡司馬大府庶君  
才密令辦治之用是輕騎減從深入其阻  
周應所至名其衆而曉譬大義俾屯田畊  
種世為農氓永永無有他志君經濟大略  
卓卓如是

天子竄其能擢守是邦蓋知君者深矣君既蒞  
事戢新兵築廢城會遇歲稔山地硤确民

易轉徙拊循倍難守土之吏辛勤劫盜宜  
不暇於文字之役而顧汲汲議及郡志者  
豈非以漢中為禹貢梁州之地褒斜故道  
武侯之所經營數千年来關隘風俗學校  
田賦之屬實與郡縣之政事相維繫固志  
方域者之所當從事與志纂自康熙三十  
年太守滕君天綬閱百二十餘年而君收

拾散已取而重輯之門次部居有體有要  
於古今形勢尤不啻聚米畫沙在京師余  
與君尚論近代作者以領寧人郡國利病  
書及願景范方輿紀要為關係天下大計  
今君居官既以興利去病為事而諸所涉  
應刊有三省山內風土雜識嘗徵余序未  
有以應而今又得讀是志焉以余無似君

謬推余古文辭復以余好說經世之務深  
相契合余老矣伏處田廬已無用於時而  
君甫為良二千石生平所學舉而措之民  
物者設施厝注當不僅在漢中一郡此余  
他日所尤樂為載筆者矣無錫秦瀛序



叙

戊辰冬予承乏守漢中檢視郡乘  
則康熙二十七年知府滕公天綬  
所輯距今百二十餘年板殘字蝕  
模糊不能成句讀徵各屬誌惟南  
鄭為嘉慶元年知縣王行儉所修  
城固洋縣西鄉沔縣略陽之皆輯

康熙年間寧羌褒城鳳縣則舊本  
無法慨然曰文獻之無徵至於如  
此將何所稽以為治耶質之大中  
丞方葆巖先生先生曰舉修廢  
墜守土責也顧志之難江文通言  
之志者憲章所係其原起於爾雅  
冰老於典故者不能鄭漁仲通志

貫穿百家綜核異同誠為不朽之  
業鄙邑之有志雖不必若通志之  
兼賅亦必廣搜博收備一方掌故  
若秦志中一二贈炙人口文雖美  
特自成一家宜未盡合法體也余  
領先生言心畏其難會先生移督  
浙閩不能以時請訓彌悵然若

失既得陝西通志閱之其書為漂  
陽史文靖公奉

勅所修義例精當考据詳核蔚然大觀  
也迺奉諸案頭以為續修準式初  
視事之年寧陝總鎮移安漢中軍  
府甫闕百務維新庚午辛未郡屬  
頻大水山內清風歲有撫綏事宜

壬申夏董大中丞奏委修郡城  
數年來事務繁蹟昕夕靡寧然稍  
得閒則以蒐輯為事隨得隨錄漸  
次成卷帙焉漢中當秦蜀衝上通  
河隴下扼荆揚為自古形勝地林  
幽谷奧易以藏奸則書中之閩隘  
道路山川為最要自蕭相國鑿堰

渠以是軍食諸葛武鄉侯吳武安  
王兄弟相繼濟導水利之視他郡  
為重至以周南化行之地百數十  
年節孝義烈其足馨香俎豆者何  
限而居下處卑未盡旌厥閭里採  
訪非其人則以愛憎為去取失實  
者多矣余友廣安鄭君炳然秀才

從軍馳驅邊徼十數年山川向背  
道路險夷不啻畫沙聚米余入老  
林撫綏暨督修堰渠鄭君必策馬  
偕又精繪事工遠勢能具千里於  
尺幅南鄭孝廉楊生筠富文學志  
潔行芳其風徽蓋慕鄉先賢李司  
徒父子者乃以繪山川疆域棧道

水利各圖採訪考訂校閱之事屬  
之二君余與鄭君先嘗作三省邊  
境山川道路圖適少司徒靈南  
石先生使蜀歸因鮑正先生曰此  
圖甚費苦心若將里數用開方法  
則遠近更瞭如指掌今卷中各圖  
胥準以開方十一城四至八到視